

UNIVERZITET U TUZLI  
Ul.dr. Tihomila Markovića br. 1  
Broj: 01-185-JN-10/24 LOT 1  
Tuzla, 18.12.2024. godine

Na osnovu člana 70. stav (1) i stav (3) Zakona o javnim nabavkama BiH («Službeni glasnik BiH» broj: 39/14, 59/22 i 50/24) i člana 64. stav (1) tačka r) Statuta JU Univerziteta u Tuzli broj: 03-5695-1-2/23 od 18.10.2023. godine, a nakon razmatranja Zapisnika Komisije o pregledu i ocjeni ponuda broj: 01-185-JN-9/24 LOT 1 od 17.12.2024. godine, po punomoći Rektorice Univerziteta u Tuzli broj: 01-1424-1/24 od 13.03.2024. godine, Direktor za ekonomske poslove, donio je

## **ODLUKU O IZBORU NAJPOVOLJNIJEG PONUĐAČA**

### **I**

U otvorenom postupku javne nabavke za pružanje usluga kolektivnog osiguranja radnika Univerziteta u Tuzli od posljedica nesretnog slučaja u 2025 godini (LOT 1), kao najpovoljniji ponuđač izabran je „TRIGLAV OSIGURANJE“ d.d. Sarajevo, te se istom dodjeljuje ugovor o pružanju usluga.

### **II**

Ponuda ponuđača iz tačke I ove Odluke ocijenjena je kao najpovoljnija iz razloga što kao prihvatljiva ispunjava sve uslove postavljene u tenderskoj dokumentaciji i što je prilikom poređenja sa ponudama ostalih kvalifikovanih ponuđača, a primjenom utvrđenog kriterija odabira „ekonomski najpovoljnija ponuda“ koji je uključivao podkriterije: premija osiguranja, i rok isplate osigurane sume, ostvarila najveći broj bodova.

### **III**

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH navedene u tački 8. Tenderske dokumentacije.

Prema odredbi člana 72. stav (3) tačka a) Zakona, ugovorni organ dostavlja prijedlog ugovora onom ponuđaču čija je ponuda po rang listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. Zakona u određenom roku.

### **IV**

Ova Odluka se objavljuje na internetskoj strani Univerziteta u Tuzli ([www.untz.ba](http://www.untz.ba)) istovremeno s upućivanjem odluke ponuđačima koji su učestvovali u postupku javne nabavke.

## **O b r a z l o ž e n j e**

Univerzitet u Tuzli pokrenuo je postupak za izbor najpovoljnijeg ponuđača za pružanje usluga kolektivnog osiguranja radnika od posljedica nesretnog slučaja u 2025. godini (LOT 1), putem Otvorenog postupka javne nabavke broj: 01-185-JN-3/24 od 01.11.2024. godine objavljenom na Portalu javnih nabavki dana 04.11.2024. godine pod brojem: 795-1-2-148-3-146/24, sažetak obavještenja u “Službenom glasniku BiH” broj: 76/24 od 08.11.2024. godine i WEB stranici Univerziteta. U ostavljenom roku ponudu su dostavila TRI ponuđača i to: “SARAJEVO-OSIGURANJE” d.d. Sarajevo, “VIENNA OSIGURANJE” d.d. Sarajevo i “TRIGLAV OSIGURANJE” d.d. Sarajevo.

Nakon javnog otvaranja ponuda Komisija za provođenje postupka javne nabavke izvršila je detaljan pregled dostavljenih ponuda te utvrdila slijedeće:

-ponuda ponuđača „VIENNA OSIGURANJE“ d.d. Sarajevo ne sadrži dokaze na zahtijevan način kako je to ugovorni organ propisao pod tačkom 3.4.1. tenderske dokumentacije.

Tačnije, ponuda na stranama od 55. do 117. sadrži Aktuelni izvod iz sudskog registra i Rješenje Agencije za nadzor osiguranja F BiH kao obične kopije koje nisu ovjerene od strane nadležnog organa (sud/notar/općina).

U tenderskoj dokumentaciji na strani 6. pod tačkom 3.4.1. je jasno i nedvosmisleno propisano da se Rješenje o registraciji/Aktuelni izvod/Aktuelni izvod iz sudskog registra ili Izjava dostavlja kao **ovjerena kopija originala kod nadležnog organa (sud/notar/općina)**, a Potvrda/Uvjerenje/Rješenje Agencije za nadzor osiguranja F BiH ili Agencije za osiguranje RS dostavlja kao **orginal ili ovjerena kopija orginala od strane nadležnog organa sud/opština/notar**.

Zbog navedenog ponuda ponuđača „VIENNA OSIGURANJE“ d.d. Sarajevo je ocijenjena kao neprihvatljiva jer ne ispunjava kriterije za kvalifikaciju privrednog subjekta i nije išla u dalju proceduru.

-ponude ponuđača: „SARAJEVO-OSIGURANJE“ d.d. Sarajevo i „TRIGLAV OSIGURANJE“ d.d. Sarajevo sadrže svu dokumentaciju na propisan način tenderskom dokumentacijom ugovornog organa zbog čega su navedni ponuđači ocijenjeni kvalifikovanim za dobro obavljanje posla, a njihove ponude su ocijenjene prihvatljivim.

Prihvatljive ponude kvalifikovanih ponuđača poredene su u odnosu na zadani kriterij odabira „ekonomski najpovoljnija ponuda“ nakon čega je sačinjena rang lista ponuda po povoljnosti kako slijedi:

1. „TRIGLAV OSIGURANJE“ d.d. Sarajevo,
2. „SARAJEVO-OSIGURANJE“ d.d. Sarajevo,


Budući da ponuda ponuđača „TRIGLAV OSIGURANJE“ d.d. Sarajevo, ispunjava sve kriterije postavljene u Otvorenom postupku i zato što je prilikom poređenja sa ponudama ostalih kvalifikovanih ponuđača, a primjenom utvrđenog kriterija odabira „ekonomski najpovoljnija ponuda“ koji je uključivao podkriterije: premija osiguranja, i rok isplate osigurane sume, ostvarila najveći broj bodova, to je Komisija dala preporuku Direktor za ekonomske poslove da Odlukom o izboru najpovoljnijeg ponuđača odabere navedenog ponuđača za pružanje usluga kolektivnog osiguranja radnika od posljedica nesretnog slučaja u 2025. godini i istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, Direktor za ekonomske poslove Univerziteta prihvatio je preporuku Komisije i odlučio kao u dispozitivu ove Odluke.

**Pravna pouka:** Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1.

Prilog: Zapisnik o pregledu i ocijeni ponuda broj:  
01-185-JN-9/24 LOT 1 od 17.12.2024. godine

DOSTAVITI:  
1x svim učesnicima  
1x a/a



DIREKTOR ZA  
EKONOMSKE POSLOVE

Alden Osmanbegović, dipl. oec.